



**Francisci De Fargna Civitatis Plebis Patrii Philosophiæ,
Sacræ Theologiæ, ac J. U. Doctoris ... Commentaria In
singulos Canones De Jurepatronatus**

Qui sparsim tam intrà, quām extra corpus Juris Canonici vagantur ...

**Fargna, Francesco de
Montisfalisci, M.DCC.XVII.**

Casus II. Argumentum. Patrono egeno debentur alimenta non deductis necessariis pro victu Rectoris, quando hic habet aliunde vivere de aliis beneficiis.

[urn:nbn:de:hbz:466:1-72191](#)

- Judicis; maximè cum Ecclesia, concurrentibus dictis requisitis, non solum sit obligata præstare Alimenta Patrono obligatione naturali Antidorali, sed etiam obligatione ex Canone. Roland. conf. 5. num. 11. tom. 3. Vivian. de Jurepatr. lib. 1. cap. 2. num. 20. Rot. coram Pan. decis. 591. num. 7. & decis. 660. num. 2. & decis. 691. num. primo, & coram Cavaler. decis. 321. num. 3.
4. Et quidem, concurrentibus præfatis requisitis, Ecclesia tenetur præstare Alimenta Patrono in Domo propria ejusdem Patroni, ut nos docent Butr. in cap. Nobis de Jurepatr. num. 24. ibique Barbo. num. 7. Surd. de Aliment. tit. 4. quæst. 14. num. 2 I.

ARGUMENTUM.

Patrono Egeno debentur Alimenta, non deductis necessariis pro victu Rectoris, quando hic habet aliunde vivere de aliis Beneficiis.

SUMMARIUM.

1. Alimenta an debeantur Patrono Egeno, deductis prius necessariis pro victu Rectoris, quando hic habet aliunde vivere? & num. 3.
2. Clericus non tenetur militare propriis stipendiis, sed debet de Altari vivere.
4. Reditus Ecclesiae superflui dispensandi sunt Pauperibus.

CASUS II.

Quidam Patronus cum redactus fuisset ad inopiam; non obstante, quod detractis omnibus necessariis tam pro Ecclesia Patronali, quam pro victu ejus Rectoris, nihil de fructibus dictæ Ecclesiae supererisset; adhuc tamen petiit Alimenta ab Ecclesia eo sub motivo, quod non debebant detrahi necessaria pro victu Rectoris à dicta Ecclesia; eo quia ipse habebat aliunde vivere; unde queritur: An Patrono Egeno debeantur Alimenta, deductis prius necessariis pro victu Rectoris Ecclesiae Patronalis, quando iste habet aliunde vivere?

1. In hac quæstione procedendum est cum distinctione. Aut Rector Ecclesiae Patronalis habet aliunde vivere præcisè de bonis Patrimonialibus, & tunc non debentur Alimenta Patrono Egeno, nisi prius deductis necessariis pro victu Rectoris,
2. quia cum Clericus sit Miles Dei, non tenetur militare de suo Patrimonio, & propriis stipendiis, sed debet de Altari vivere, juxta Abb. in Can. Episcop. de Præben. & Dignit. & Text. in cap. Charitat. tem 12. quæst. 2. ibi. Justum namque est, ut illi consequantur stipendium, qui pro tempore suum commodarunt obsequium. Fagnan. in cap. Si quis sanè de Pecul. Cleric. num. 6.
3. Aut Rector habet aliunde vivere de aliis Beneficiis, & in hoc casu debent præstari Alimenta Patrono, non deductis ab Ecclesia Patronali necessariis pro victu Rectoris. Ratio est, quia cum de aliis bonis Ecclesiasticis Rector habeat victum, fructus Ecclesiae Patronalis non sunt necessarii pro ejus substantiatione; adèque dandi sunt pro alimentis Patrono Egeno,
4. cum reditus Ecclesiae superflui, & superfluentes dispensandi sint Pauperibus juxta Text. in cap. Quoniam 16. quæst. 1. Lambertin. de Jurepatr. lib. 3. quæst. 3. art. 4. Ventr. in prax. de Jurepatr. annot. 1. §. 4. num. 35.

ARGUMENTUM.

An Patrono extraneo debeantur Alimenta in casu inopiarum: & quid si Patronus sit Persona ficta, nempe Communitas, aut Collegium?

SUMMARIUM.

1. Jus Alimentorum est onerosum Ecclesiae.
2. Donatarius tenetur alere Donantem, & non hujus heredem extraneum.
3. Benefaciens benefacere debemus.
4. Jus Alimentorum est personalissimum.
5. Alimenta in casu inopia debentur Patrono extraneo; num. 11.
6. Communitas an sit capax Alimentorum?

7 Ec-